




## PRÓTACAL UM SHÁRÚ AR SHONRAÍ

Leagan: 2

Dáta ar dhaingnigh Foireann Bainistíochta Sinsearaí BOOÁC DL é: 11/03/2024

An Dáta ar nótáladh é ag Bord Bainistíochta BOOÁC DL: 25/03/2024

Sínithe ag:  (PF)

Uaslódáilte chuig Inlín BOOÁC DL

Leaganacha Béarla agus Gaeilge uaslódáilte ar Shuíomh Gréasáin BOOÁC DL:

Tá:  Níl:

Dáta le haghaidh an athbhreithnithe: 25/03/2025


Uimhir an Pholasáí: PL/005.1	Uimhir an Leagain: v2/2024
Leaganacha roimhe seo: v1/2021	An Dáta Tosaithe: 25/03/2024
Faofa/Nótáilte ag an mBord: 25/03/2024	Dáta an athbhreithnithe: 25/03/2025

## 1. Sárú ar shonraí agus cuspóir an phrótacail

- 1.1. D'fhorbair BOOÁCDL an prótacal um shárú ar shonraí pearsanta seo. Tá sé seo mar chuid dár bpleanáil straitéiseach chun a chinntiú go bhfuil BOOÁCDL réidh le freagairt i gcás sárú ar shonraí pearsanta. Díreofar ar ghníomhú pras ar aon phlean maidir le freagairt ar shárú chun daoine aonair agus a sonraí pearsanta a chosaint. Tá BOOÁCDL tiomanta do na nithe seo a leanas:
- (a) Fógra a thabhairt don Choimisiún um Chosaint Sonraí (CCS) faoi shárú i ndáil le sonraí pearsanta gan moill mhíchuí agus tráth nach déanaí ná **72 uair an chloig** tar éis dó a bheith ar an eolas faoi (mura rud é nach dócha go mbeidh riosca ann do chearta agus do shaoirsí daoine nádúrtha mar thoradh ar an sárú i ndáil le sonraí pearsanta).
  - (b) Fógra a thabhairt do na hábhair sonraí dá ndéantar difear gan moill mhíchuí, ach amháin más rud é nach dócha go mbeidh ardriosca ann do chearta agus do shaoirsí daoine nádúrtha mar thoradh ar an sárú i ndáil le sonraí pearsanta.
- 1.2. Scaipfead an prótacal seo:
- (a) ar gach próiseálaí sonraí iomchuí. Ceanglaítear ar phróiseálaithe sonraí an BOO a chur ar an eolas láithreach má thagann an próiseálaí ar an eolas faoi shárú ar na sonraí pearsanta atá á bpróiseáil aige/aici thar ceann an BOO
  - (b) comhairle a chur ar an bhfoireann ag an ionduchtú agus ag cruinnithe/ oiliúint thréimhsiúil foirne.
- 1.3. Tugtar achoimre sa tsreabhchairt seo a leanas (a tógadh ó Threoirlínte Mheitheal Oibre Airteagal 29 maidir le fógra maidir le sárú ar shonraí pearsanta faoi Rialachán 2016/679, a glacadh ar an 3 Deireadh Fómhair 2017) ar na céimeanna atá le glacadh:

Uimhir an Pholasaí: PL/005.1	Uimhir an Leagain: v2/2024
Leaganacha roimhe seo: v1/2021	An Dáta Tosaithe: 25/03/2024
Faofa/Nótáilte ag an mBord: 25/03/2024	Dáta an athbhreithnithe: 25/03/2025

**A. Sreabhchart a thaispeánann ceanglais maidir le fógra a thabhairt**



**1.4. Sainmhínte:**

Sa Phrótacal seo, beidh na bríonna <sup>1</sup> seo a leanas leis na téarmaí seo a leanas:

- 1.4.1. **"Feasach"**: ba cheart a mheas go bhfuil rialtóir sonraí "ar an eolas" nuair a bhíonn leibhéal réasúnta cinnteachta ag an rialtóir sin gur tharla teagmhas slándála a d'fhág gur cuireadh sonraí pearsanta i mbaol.
- 1.4.2. **"Damáiste"**: athraíodh na sonraí pearsanta, truaillithe, nó níl siad críochnaithe a thuilleadh.
- 1.4.3. **"Scrios"**: níl na sonraí ann a thuilleadh ná níl siad ann a thuilleadh i bhfoirm atá d'aon úsáid don rialtóir.
- 1.4.4. **"Cailteanas"**: d'fhéadfadh na sonraí a bheith ann fós ach chaill an rialtóir smacht nó rochtain ar na sonraí, nó níl na sonraí ina s(h)eilbh aige/aici a thuilleadh.
- 1.4.5. **"sárú i ndáil le sonraí pearsanta"**: de réir Airteagal 4(12) RGCS: "sárú slándála as a dtagann scrios, cailleadh, athrú, nochtadh neamhúdaráithe sonraí pearsanta, nó rochtain neamhúdaráithe ar shonraí pearsanta, a tharchuirtear, a stóráiltear nó a phróiseáiltear ar bhealach eile, de thaisme nó go neamhdhleathach".
- 1.4.6. **"Cailteanas sealadach sonraí"**: teagmhas a fhágann nach bhfuil sonraí pearsanta ar fáil ar feadh tréimhse ama.
- 1.4.7. D'fhéadfadh go n-áireofaí le **"próiseáil neamhúdaráithe nó neamhdhleathach"** nochtadh sonraí pearsanta d'fhaighteoirí (nó rochtain acu) nach bhfuil údaráithe chun na sonraí a fháil (nó rochtain a fháil orthu), nó aon chineál próiseála eile a sháraíonn an RGCS.

<sup>1</sup> Sainmhínte tógtha ón RGCS agus WP250 (Treoirilinte maidir le fógra um shárú sonraí pearsanta faoi Rialachán 2016/679).

Uimhir an Pholasáí: PL/005.1	Uimhir an Leagain: v2/2024
Leaganacha roimhe seo: v1/2021	An Dáta Tosaithe: 25/03/2024
Faofa/Nótáilte ag an mBord: 25/03/2024	Dáta an athbhreithnithe: 25/03/2025

- 1.5. Is féidir le sárú slándála sonraí tarlú ar roinnt cúiseanna, lena n-áirítear:
- Earráid dhaonna.
  - Páipéarachas a chailleadh nó a ghoid, nó aon ghléas ina bhfuil sonraí.
  - Briseadh isteach, buirgléireacht, mugáil.
  - Rialuithe rochtana míchuí lena gceadaítear úsáid/rochtain neamhúdaraithe.
  - Cliseadh trealaimh agus cúltacaí córais neamhleora.
  - Tubaiste amhail tuile nó tine.
  - Fioscaireacht nó blagáil (nuair a fhaightear eolas trí mheabhlaireacht nó trí chumarsáid faoi bhréagrioct).
  - Ionsaithe mailíseacha amhail haiceála nó ionsaí bogearraí éirice.
- 1.6. D'fhéadfadh éifeachtaí díobhálacha a bheith mar thoradh ar shárúithe ar shonraí pearsanta ar dhaoine aonair a bhféadfadh damáiste fisiciúil, ábhartha nó neamhábhhartha a bheith mar thoradh orthu. D'fhéadfaí a áireamh leis seo náire, anacair nó uirslíú a chur ar an ábhar sonraí. D'fhéadfaí a áireamh ar dhrochéifeacht eile: *"cailleadh smachta ar a gcuid sonraí pearsanta, teorannú a gcearta, idirdhealú, goid aitheantais nó calaois, caillteanas airgeadais, aisiompú neamhúdaraithe ainm bréige, damáiste do chlú, cailleadh rúndachta sonraí pearsanta a chosnaítear le rúndacht ghairmiúil, míbhuntáiste suntasach eacnamaíoch nó sóisialta<sup>2</sup>"* do dhaoine aonair a ndearnadh dífead dóbh.
- 1.7. Is féidir le sárúithe ar shonraí pearsanta dochar a dhéanamh don BOO freisin mar go bhféadfadh na nithe seo a leanas a bheith mar thoradh orthu:
- Damáiste don chaidreamh muiníne atá tógtha againn leis an bhfoireann agus leis na mic léinn,
  - Sonraí pearsanta a chailleadh, a scriosadh, nó damáiste a dhéanamh dóibh, atá riachtanach do riar an BOO,
  - Damáiste do chlú BOOÁCDL
  - Fíneálacha riaracháin de réir fhorálacha na reachtaíochta um Chosaint Sonraí, gníomh forfheidhmiúcháin, agus dlíthíocht.

## 2. Prótacal

I gcás sárú i ndáil le sonraí pearsanta, leanfaidh BOOÁCDL an prótacal seo a leanas:

### 2.1. A aithint go bhfuil fadhb ann maidir le foláireamh a thabhairt do na daoine ábhartha

2.1.1. Cuirfear an OCS<sup>3</sup> ar an eolas a luaithe is féidir.

2.1.2. Cuirfidh an OCS an Príomhfheidhmeannach ar an eolas a luaithe is féidir.

#### Uimhreacha teagmhála éigeandála:

Má tá aon cheist agat, féach rannán dár bPolasaí Cosanta Sonraí (atá ar fáil ag [www.ddletb.ie](http://www.ddletb.ie)) nó déan teagmháil linn ag [dataprotection@ddletb.ie](mailto:dataprotection@ddletb.ie).

2.1.3. Baileoidh an OCS foireann bheag le chéile chun measúnú a dhéanamh ar an nochtadh/caillteanas a d'fhéadfadh a bheith ann agus chun bearta imshrianta/maolaithe/feabhsaithe iomchuí a dhéanamh. Ceanglaítear ar gach ball foirne agus ar gach próiseálaí sonraí agus comhrialtóirí sonraí gach cúnaimh is gá a thabhairt don OCS agus don fhoireann seo.

2.1.4. Cuirfidh an OCS tús le cróineolaíocht scríofa imeachtaí, ina dtaifeadfar gach ábhar ábhartha, lena n-áirítear:

<sup>2</sup> leathanach 8, WP250.

<sup>3</sup>OCS ceaptha ar bhonn eatramhach

Uimhir an Pholasaí: PL/005.1	Uimhir an Leagain: v2/2024
Leaganacha roimhe seo: v1/2021	An Dáta Tosaithe: 25/03/2024
Faofa/Nótáilte ag an mBord: 25/03/2024	Dáta an athbheithnithe: 25/03/2025

- (a) Dáta agus am fógartha an tsáraithe (trí úsáid a bhaint as an bhformáid LL/MM/BBBB agus am/pm de réir mar is cuí).
  - (b) Má bhaineann an fógra le sárú féideartha, sonraí faoi aon réamh-imscrúdú (más gá) chun a fháil amach ar tharla sárú iarbhir nó nár tharla.
  - (c) Sonraí faoi cé a thuairiscigh an t-ábhar.
  - (d) Sonraí faoin méid a bhí ar eolas/amhrasta ag an gcéad chéim sin.
  - (e) Sonraí faoin gcóras/tacar sonraí atá i gceist.
  - (f) Measúnú ar riosca do chearta agus do shaoirsí daoine nádúrtha.
  - (g) Gníomhartha láithreacha a rinneadh (imscrúdú, srianadh, maolú, aisghabháil, etc).
  - (h) Sonraí na foirne a bailíodh chun cabhrú leat.
  - (i) Sonraí faoi na tascanna a leithdháiltear ar gach ball foirne.
  - (j) Ag an am céanna le (g), fógra a thabhairt don CCS laistigh de 72 uair an chloig tar éis dó a bheith ar an eolas.
  - (k) Fógra a thabhairt do na daoine aonair dá ndéantar difear (más gá) gan moill mhíchúif
- 2.1.5. Beag beann ar cibé an ndéantar cinneadh (nó nach ndéantar) fógra a thabhairt don CCS, déanfar na doiciméid go léir a bhaineann le sárú i ndáil le sonraí pearsanta (féideartha/tuairiscithe/amhrasta) a dhoiciméadú, lena n-áirítear na doiciméid a cheanglaítear le hAirteagal 33(5) RGCS ach gan a bheith teoranta dóibh, a stóráil ar Chlár Rioscaí an BOO.

## 2.2. Srianadh, maolú, agus athshlánú

- 2.2.1. Féachfaidh BOOÁCDL láithreach leis an ábhar a choinneáil (a mhéid is féidir) agus déanfaidh sé gach beart is gá chun aon nochtadh breise ar na sonraí pearsanta atá á gcoinneáil a mhaolú.
- 2.2.2. Má bhaineann an sárú ar shonraí le córas TF agus le sonraí leictreonacha, déanfar teagmháil láithreach leis an bpróiseálaí sonraí atá freagrach as tacaíocht TF in BOOÁCDL. Ba cheart a c(h)omhairle agus a c(h)únamh a lorg maidir le bearta cuí imshrianta, coraintín, caomhnú sonraí agus logaí etc.
- 2.2.3. De réir nádúr an tsáraithe/na bagartha ar na sonraí pearsanta, d'fhéadfadh na nithe seo a leanas a bheith i gceist leis sin:
- (a) coraintín de chuid de na ríomhairí pearsanta, líonraí etc nó iad go léir.
  - (b) treoir a thabhairt do bhaill foirne gan rochtain a fháil ar ríomhairí pearsanta, líonraí, gléasanna etc.
  - (c) cuntais a chur ar fionraí,
  - (d) iniúchadh a dhéanamh ar na taifid a choimeádtar ar fhreastalaí/ar fhreastalaithe cúltaca,
  - (e) a fháil amach cén cineál sonraí pearsanta a d'fhéadfadh a bheith nocta.
- 2.2.4. Smaoinigh ar choraintín de limistéar/limistéir stórála taifead láimhe agus d'áiteanna eile de réir mar is cuí.
- 2.2.5. I gcásanna iomchuí, ba cheart breithniú a dhéanamh láithreach ar speisialtóir fóiréinsice TF a choinneáil agus comhairle dlí a fháil.

## 2.3. Measúnaigh an Riosca

- 2.3.1. Déanfaidh an BOO measúnú i ndáil leis an riosca: an dócha go mbeidh riosca ann do chearta agus do shaoirsí daoine nádúrtha mar thoradh ar an sárú i ndáil le sonraí pearsanta?
- 2.3.2. Rangú an riosca sin:
- Riosca ar bith?
  - Riosca?
  - Ardriosca?

Má mheastar nach bhfuil "aon riosca" ann, ní mór na cúiseanna leis an gcinneadh sin a thaifeadh.

Uimhir an Pholasaí: PL/005.1	Uimhir an Leagain: v2/2024
Leaganacha roimhe seo: v1/2021	An Dáta Tosaithe: 25/03/2024
Faofa/Nótáilte ag an mBord: 25/03/2024	Dáta an athbheithnithe: 25/03/2025

- 2.3.3. Agus measúnú á dhéanamh ar riosca, tabharfaidh an BOO aird chuí ar íogaireacht na sonraí agus ar chatagóir an ábhair sonraí (e.g. leanbh, duine soghonta) chun a fháil amach an féidir iad a chur i mbaol níos contúirtí mar gheall ar an sárú.
- 2.3.4. B'fhéidir nach gceanglófar ar an BOO fógra a thabhairt don CCS agus do na hábhair sonraí más rud é nach dócha go mbeidh riosca dá gcearta agus dá saoirsí mar thoradh ar an sárú, e.g. go ndearnadh na sonraí a chriptiú go slán le criptiú úrscothach, agus nár cuireadh an eochair i mbaol in aon sárú slándála.
- 2.3.5. Tabharfaidh an BOO aird ar na moltaí a rinne Gníomhaireacht an Aontais Eorpaigh um Sheirbhísí Gréasáin agus Faisnéise (GAESGF) le haghaidh modheolaíocht chun measúnú a dhéanamh ar dhéine an tsáraithe<sup>4</sup>.
- 2.3.6. Má dhéantar cinneadh gan fógra a thabhairt don CCS agus do na hábhair sonraí a ndéantar dífeall dóibh, déanfar na cúiseanna leis an gcinneadh sin a dhoiciméadú agus a stóráil ar Chlár Rioscaí an BOO.

## 2.4. Fógra

- 2.4.1. **Teagmhais a thuirisciú don Choimisinéir Cosanta Sonraí (“CCS”):** Déanfar gach teagmhas inar cuireadh sonraí pearsanta agus sonraí pearsanta íogaire i mbaol a thuirisciú don Choimisiún um Chosaint Sonraí gan moill mhíchúí agus nuair is féidir, tráth nach déanaí ná **72 uair an chloig** tar éis dó a bheith ar an eolas faoi mura rud é nach bhfuil rioscaí ann do chearta agus do shaoirsí na n-ábhar sonraí.

### Sonraí teagmhála an OCS

Teileafón: 0761 104 800  
 Uimhir Íosghlao: 1890 252 231  
 R-phost: [info@dataprotection.ie](mailto:info@dataprotection.ie)  
 Seoladh: An Coimisiún um Chosaint Sonraí  
 Teach na Canálach, Bóthar an Stáisiúin, Cúil an tSúdaire  
 R32 AP23  
 Co. Laoise

- 2.4.2. Beidh, ar a laghad, an méid seo a leanas san fhógra tosaigh chuig an CCS:

- Cineál an tsáraithe i ndáil le sonraí pearsanta.
- Catagóirí na n-ábhar sonraí (e.g. leanaí, grúpaí leochaileacha eile, daoine faoi mhíchumas, fostaithe, custaiméirí).
- Líon measta na n-ábhar sonraí a ndearnadh dífeall dóibh.
- Catagóirí sonraí/taifead pearsanta (e.g. sonraí sláinte, taifid oideachais, faisnéis chúraim shóisialta, sonraí airgeadais, uimhreacha cuntais bainc, uimhreacha pas etc). Líon measta na dtaifead sonraí pearsanta lena mbaineann.
- Ainm agus sonraí teagmhála an OCS (ón áit ar féidir tuilleadh eolais a fháil).
- Cur síos ar iarmhairtí dóchúlacha an tsáraithe i ndáil le sonraí pearsanta (e.g. goid aitheantais, calaois, cailleanas airgeadais, bagairt ar rúndacht ghairmiúil etc.).
- Tuairisc ar na bearta a rinne an BOO (nó a bheartaíonn sé/sí a dhéanamh) chun aghaidh a thabhairt ar an sárú (lena n-áirítear, i gcás inarb iomchuí, bearta chun na héifeachtaí díobhálacha a d'fhéadfadh a bheith aige a mhaolú).
- **Nóta tábhachtach:** i gcás nach bhfuil sonraí beachta aon cheann de na nithe thuas ar eolas go fóill, ní chuirfidh sé seo moill ar fhógra sáraithe tráthúil don CCS. Is féidir tuilleadh eolais a fháil, nuair atá sé ar fáil: “féadfar an fhaisnéis a chur ar fáil i gcéimeanna gan moill bhreise mhíchúí<sup>5</sup>”.

<sup>4</sup> Ar fáil ag [www.enisa.europa.eu/publications/dbn-severity](http://www.enisa.europa.eu/publications/dbn-severity)

<sup>5</sup> Airteagal 33(4) RGCS.

Uimhir an Pholasaí: PL/005.1	Uimhir an Leagain: v2/2024
Leaganacha roimhe seo: v1/2021	An Dáta Tosaithe: 25/03/2024
Faofa/Nótáilte ag an mBord: 25/03/2024	Dáta an athbheithnithe: 25/03/2025

- 2.4.3. Má roghnaíonn an rialtóir fógra a thabhairt don Choimisiún um Chosaint Sonraí amháin, moltar don rialtóir a chur in iúl, i gcás inarb iomchuí, an mbaineann an sárú le bunaíochtaí atá lonnaithe i mBallstáit eile.
- 2.4.4. **Cuspóir fhógra an CCS:**
- Seachain Fíneáil Riaracháin:** D'fhéadfadh fíneáil riaracháin a bheith mar thoradh ar mhainneachtain fógra a thabhairt don Choimisiún um Chosaint Sonraí mar a éillítear faoin Acht um Chosaint Sonraí 2018.
  - Comhairle:** ionas gur féidir leis an BOO comhairle a fháil ón CCS, agus a chinntiú go bhfuil údar maith le cinntí an BOO maidir le fógra a thabhairt (nó cinneadh a dhéanamh gan fógra a thabhairt) d'ábhair sonraí lena mbaineann.
- 2.4.5. **Fógra a thabhairt do na hábhair sonraí dá ndéantar difear**  
 Tar éis an mheasúnaithe riosca a rinneadh ag 2.4.2, más dócha go mbeidh "ardriosca" ann do chearta agus do shaoirsí daoine nádúrtha mar thoradh ar an sárú i ndáil le sonraí pearsanta, déanfaidh BOO an méid seo a leanas:
- Teagmháil a dhéanamh leis na daoine aonair lena mbaineann (cibé acu ar an nguthán/ríomhphost etc) gan moill mhíchuí.
  - Tabhair le fios gur tharla sárú ar shonraí.
  - Tabhair na sonraí atá leagtha amach ag 2.5.2 thuas do na hábhair sonraí.
  - I gcás inarb iomchuí, comhairle shonrach a chur ar fáil ionas gur féidir leis na hábhair sonraí iad féin a chosaint ar iarmhairtí díobhálacha a d'fhéadfadh a bheith mar thoradh ar an sárú (amhail pasfhocail a athshocrú).
- 2.4.6. Ní bheidh gá le cur in iúl don ábhar sonraí má chomhlíontar aon cheann de na coinníollacha seo a leanas:
- tá bearta cuí cosanta teicniúla agus eagraíochtúla curtha i bhfeidhm ag an BOO, agus cuireadh na bearta sin i bhfeidhm maidir leis na sonraí pearsanta a ndearna an sárú i ndáil le sonraí pearsanta difear dóibh, go háirithe iad siúd a fhágann nach bhfuil na sonraí pearsanta inléite d'aon duine nach bhfuil údaraithe rochtain a fháil orthu, amhail criptiú;
  - tá bearta déanta ag an BOO ina dhiaidh sin lena n-áirithítear nach dócha go dtiocfaidh an t-ardriosca do chearta agus do shaoirsí na n-ábhar sonraí chun cinn a thuilleadh;
  - bheadh iarracht dhíríreach i gceist leis. I gcás den sórt sin, ina ionad sin, beidh cumarsáid phoiblí nó beart comhchosúil ann trína gcuirfear na hábhair sonraí ar an eolas ar bhealach atá chomh héifeachtach céanna.
- 2.4.7. **An Garda Síochána:**
- I gcás ina bhfuarthas rochtain ar shonraí ar shlí eile gan údarás, déanfar an t-ábhar a thuairisciú láithreach don Gharda Síochána.
  - De réir nádúr na sonraí pearsanta atá i mbaol agus go háirithe nuair a d'fhéadfadh sonraí pearsanta íogaire a bheith i mbaol, ba cheart tuilleadh cúnaimh a lorg ón nGarda Síochána.
  - Sa chás go ndearnadh "damáiste" do shonraí (mar a shainmhínítear san Acht um Cheartas Coiriúil 1991, e.g. mar thoradh ar haiceáil), ní mór an t-ábhar a thuairisciú don Gharda Síochána. Is cion coiriúil ann féin ("faisnéis iarchoimeáda") de bhun alt 19 den Acht um Cheartas Coiriúil, 2011 é gan amhlaidh a dhéanamh. I measc na bpionós as faisnéis a choinneáil siar tá fíneáil suas le €5,000 nó príosúnacht 12 mhí ar chiontú achomair.

Uimhir an Pholasáí: PL/005.1	Uimhir an Leagain: v2/2024
Leaganacha roimhe seo: v1/2021	An Dáta Tosaithe: 25/03/2024
Faofa/Nótáilte ag an mBord: 25/03/2024	Dáta an athbhreithnithe: 25/03/2025

- 2.4.8. **Comhlachtaí eile:** Nuair is cuí, is féidir teagmháil a dhéanamh le comhlachtaí eile amhail FSS, TUSLA, institiúidí airgeadais, BOOI etc. (De réir chineál na sonraí a chuirtear i mbaol, e.g. má tá faisnéis íogair ann a bhaineann le leanaí nó le daoine soghonta, amhail cosaint leanaí nó ábhair chosanta).
- 2.4.9. **Cuideachta árachais:** Tabharfaidh BOOÁCDL fógra don chuideachta árachais lena bhfuil an eagraíocht árachaithe agus cuirfidh sé in iúl dóibh go ndearnadh sárú ar shlándáil sonraí pearsanta.
- 2.5 Comhairleoirí Dlí BOO, lena n-áirítear, de réir mar is cuí, an tAonad Tacaíochta Seirbhísí Dlí, Boird Oideachais agus Oiliúna na hÉireann:** Féadfaidh BOOÁCDL fógra a thabhairt dá chomhairleoirí dlí agus a chur in iúl dóibh go ndearnadh sárú ar shlándáil sonraí pearsanta chun críocha comhairle dlí a fháil agus dlíthíocht a chosaint, a chur i mbaol nó a shocrú ar shlí eile.
- 2.6 Tar éis na hócáide:** Tar éis aghaidh a thabhairt ar na bearta freagartha tosaigh, ba cheart athbhreithniú iomlán a dhéanamh go tráthúil. Ba chóir go mbeadh na nithe seo a leanas san áireamh:
- 2.6.1 Athbhreithniú ar an taifead sáraithe de réir Airteagal 33(5) – doiciméad arna choimeád ag an BOO ina Chlár Riosca.
- 2.6.2 Ba cheart sonraí faoi thorthaí foghlama, feabhsuithe agus cosaintí a aithint.
- 2.6.3 Gheobhaidh bord an BOO faisnéisiú cuí ón OCS (agus ó cibé saineolaithe seachtracha eile a choinneofar chun cabhrú leo), agus cóip d'aon tuarascálacha imscrúdaithe agus d'aon chomhfhreagras a mhalartaítear leis an CCS agus leis na hábhair sonraí lena mbaineann.
- 2.6.4 Déanfaidh an BOO breithniú cúramach ar cheart nósanna imeachta araíonachta a thionscnamh, más ábhartha.
- 2.6.5 I gcás ina bhfuil gá le gníomhaíochtaí feabhais, leithdháilfear freagracht ar an duine aonair nó ar na daoine aonair: leithdháilfear freagracht orthu as a áirithiú go gcuirfear gníomhaíochtaí áirithe i gcrích laistigh de fhrámaí ama sainithe.
- 2.6.6 Ba cheart an fhoireann a chur ar an eolas faoi aon athruithe ar an bprótocal seo agus ar bhearta slándála uasghrádaithe. Ba cheart don fhoireann oiliúint athnuachana a fháil nuair is gá.

Uimhir an Pholasaí: PL/005.1	Uimhir an Leagain: v2/2024
Leaganacha roimhe seo: v1/2021	An Dáta Tosaithe: 25/03/2024
Faofa/Nótáilte ag an mBord: 25/03/2024	Dáta an athbhreithnithe: 25/03/2025



Aguisín 1 Tuairisc Eiseamláireach ar Theagmhais

## Sárú ar Shlándaíl Sonraí – Tuairisc Teagmhais

### RÚNDA

Sainmhínítear in RGCS “sárú i ndáil le sonraí pearsanta” in Airteagal 4(12) mar: “sárú slándála as a dtagann scrios, cailleadh, athrú, nochtadh neamhúdaraíthe sonraí pearsanta a tharchuirtear, a stóráiltear nó a phróiseáiltear ar bhealach eile de thaisme nó neamhdhleathach”.

Aitheantas sáraithe:

Cathain a tharla an sárú?

Cár tharla an sárú?

*e.g. Suíomh an tsáraithe*

Cathain a thángthas ar an sárú?

*e.g. Am agus dáta sonrath*

Cé a thuairiscigh an sárú?

Sonraí teagmhála an duine a thuairiscigh an sárú?

An ndearnadh teagmháil láithreach leis an Oifigeach Cosanta Sonraí?

Rinneadh  Ní Dhearnadh

Má RINNEADH, luaigh cad is brí leis (e.g. fón, ríomhphost etc.) agus am agus dáta na teagmhála a rinneadh?

Uimhir an Pholasaí: PL/005.1	Uimhir an Leagain: v2/2024
Leaganacha roimhe seo: v1/2021	An Dáta Tosaithe: 25/03/2024
Faofa/Nótáilte ag an mBord: 25/03/2024	Dáta an athbhreithnithe: 25/03/2025

I gcás NÍ DHEARNADH, an ndearnadh teagmháil le haon oifigeach sinsearach eile e.g. CE, Stiúrthóir etc. agus má rinneadh, cén bealach (e.g. fón, ríomhphost etc.) agus am agus dáta na teagmhála a rinneadh?

An raibh aon fhinnéithe ann? Má bhí, luaigh Ainmneacha agus sonraí teagmhála gutháin

Tabhair sonraí faoin sárú:

<b>Cén cineál sáraithe a bhí ann?</b>
<b>Cad iad na catagóirí ábhar sonraí (e.g. mic léinn, foghlaimeoirí fásta, tuismitheoirí/caomhnóirí; grúpaí leochaileacha eile, fostaithe, comhaltaí boird; conraitheoirí etc.) a ndeachaigh an sárú i bhfeidhm orthu agus a bhféadfadh an sárú dul i bhfeidhm orthu?</b>
<b>Líon measta na n-ábhar sonraí a ndearnadh difear dóibh:</b>
<b>Catagóirí sonraí/taifead pearsanta (e.g. sonraí sláinte, taifid oideachais, faisnéis chúraim shóisialta, sonraí airgeadais, uimhreacha cuntais bainc, uimhreacha pas etc):</b>
<b>Líon measta na dtáifead sonraí pearsanta lena mbaineann:</b>

Uimhir an Pholasaí: PL/005.1	Uimhir an Leagain: v2/2024
Leaganacha roimhe seo: v1/2021	An Dáta Tosaithe: 25/03/2024
Faofa/Nótáilte ag an mBord: 25/03/2024	Dáta an athbhreithnithe: 25/03/2025

Cur síos ar iarmhairtí dóchúla an tsáraithe i ndáil le sonraí pearsanta (e.g. goid aitheantais, calaíocht, cailteanas airgeadais, bagairt ar rúndacht ghairmiúil etc.):

Tuairisc ar na bearta a rinne an BOO (nó a bheartaíonn sé/sí a dhéanamh) chun aghaidh a thabhairt ar an sárú (lena n-áirítear, i gcás inarb iomchuí, bearta chun na héifeachtaí díobhálacha a d'fhéadfadh a bheith aige a mhaolú):

**Nóta tábhachtach:** i gcás nach bhfuil sonraí beachta aon cheann de na nithe thuas ar eolas go fóill, ní chuirfidh sé seo moill ar fhógra sáraithe tráthúil don CCS. Is féidir tuilleadh eolais a fháil, nuair atá sé ar fáil: *“féadfar an fhaisnéis a chur ar fáil i gcéimeanna gan moill bhreise mhíchu<sup>6</sup>”*.

<sup>6</sup> Airteagal 33(4) RGCS.

Ar cosnaíodh na sonraí sáraithe trí phasfhocail, criptiú etc? Tabhair sonraí thíos.

I do thuairim, an dócha go mbeidh an sárú den chineál sealadach? An féidir an fhaisnéis phearsanta a nochtar a aisghabháil?

An raibh aon chórais TF i gceist? (e.g. ríomhphost, suíomh gréasáin, córas riaracháin scoile, VS Ware, Áis, aipeanna). Má bhí, liostaigh iad.

Uimhir an Pholasáil: PL/005.1	Uimhir an Leagain: v2/2024
Leaganacha roimhe seo: v1/2021	An Dáta Tosaithe: 25/03/2024
Faofa/Nótáilte ag an mBord: 25/03/2024	Dáta an athbhreithnithe: 25/03/2025

An bhfuil aon ábhar breise ar fáil e.g. teachtaireachtaí earráide, seatanna scáileáin, comhaid logála, píosaí scannánaíochta TCI?

An ndearna tú aon gníomh/céimeanna go dtí seo chun iarracht a dhéanamh an riosca a stopadh/a mhaolú don ábhar/do na daoine is ábhar do na sonraí a cheapann tú a ndearnadh dífeall dóibh **NÓ** a d'fhéadfadh sé go gcuirfí isteach ar aon ábhair sonraí breise eile a mheasann tú a d'fhéadfadh cur isteach orthu? I gCás RINNEADH, déan cur síos thíos

Ar labhair tú le duine éigin i bhfoireann Cosanta Sonraí BOOÁCDL ag leibhéal na príomhoifige riaracháin e.g. OCS ag [dataprotection@ddletb.ie](mailto:dataprotection@ddletb.ie)? Má labhair, cuir in iúl cé leis a ndearna tú teagmháil, agus tabhair breac-chuntas gairid ar an gcomhairle a thug sé/sí.

An ndearna tú aon teagmháil le haon gníomhaireachtaí seachtracha e.g. Cuideachta Árachais, soláthraí TF, Gardaí etc.? Má RINNEADH, déan cur síos go sonrath thíos ar na daoine a ndearna tú teagmháil leo agus tabhair ainm agus sonraí teagmhála na ndaoine sin.

**Aon tuairimí eile?**

Uimhir an Pholasaí: PL/005.1	Uimhir an Leagain: v2/2024
Leaganacha roimhe seo: v1/2021	An Dáta Tosaithe: 25/03/2024
Faofa/Nótáilte ag an mBord: 25/03/2024	Dáta an athbhreithnithe: 25/03/2025

<b>Sínithe ag:</b>	
<b>Do phost sa BOO:</b>	
<b>Ainm na scoile, na hoifige, an ionaid:</b>	
<b>D'uimhir theagmhála (uimhir shoghluaiste go hidéalach):</b>	
<b>Dáta:</b>	
<b>Am críochnaithe:</b>	

**Táimid buíoch díot as an dua a chur tú ort féin chun an fhoirm seo a chomhlánú. Cabhróidh an iarracht a rinneadh leis an BOO agus é ag tabhairt faoi imscrúdú/anailís bhreise ar an ábhar.**

**Cinntigh go gcuirtear é seo ar aghaidh go díreach chuig Oifigeach Cosanta Sonraí an BOO ag [dataprotection@ddletb.ie](mailto:dataprotection@ddletb.ie)**

***RÚNDA - COMHLÁNAÍODH AN FHOIRM SEO IN OIRCHILL IMEACHTAÍ DLÍ***

Uimhir an Pholasáí: PL/005.1	Uimhir an Leagain: v2/2024
Leaganacha roimhe seo: v1/2021	An Dáta Tosaithe: 25/03/2024
Faofa/Nótáilte ag an mBord: 25/03/2024	Dáta an athbhreithnithe: 25/03/2025

## Do do chuid tagartha

Is féidir sárúithe a chatagóiriú de réir na trí phrionsabal slándála faisnéise aitheanta seo a leanas:

- "Sárú rúndachta" - sa chás go bhfuil nochtadh neamhúdaraíthe nó tionóisceach ar shonraí pearsanta nó rochtain ar shonraí pearsanta.
- "Sárú ionracais" - i gcás ina ndéantar athrú neamhúdaraíthe nó tionóisceach ar shonraí pearsanta.
- "Sárú infhaighteachta" - i gcás ina gcailltear rochtain ar shonraí pearsanta de thaisme nó neamhúdaraíthe.

De réir na gcúinsí, d'fhéadfadh sárú a bheith bainteach le rúndacht, sláine agus infhaighteacht sonraí pearsanta ag an am céanna, chomh maith le haon teaghlaim díobh sin. Cé go bhfuil sé sách soiléir cinneadh a dhéanamh an ndearnadh sárú rúndachta nó ionracais, d'fhéadfadh sé nach mbeadh sé chomh soiléir céanna an ndearnadh sárú infhaighteachta. Breathnófar ar shárú i gcónaí mar shárú infhaighteachta nuair a cailleadh sonraí pearsanta go buan nó nuair a scriosadh iad.

## Freagartha Teagmhais atá CEADAITHE agus NEAMHCHEADAITHE do chórais TF

### CEADAITHE

- an córas lena mbaineann a leithlisiú láithreach chun cur isteach breise, scaoileadh sonraí, damáiste etc. a chosc.
- an teileafón a úsáid chun cumarsáid a dhéanamh. D'fhéadfadh ionsaitheoir a bheith in ann monatóireacht a dhéanamh ar thrácht ríomhphoist
- déan teagmháil le hOifigeach Cosanta Sonraí an BOO gan mhoill <Cuir isteach sonraí teagmhála>
- gach loga ábhartha a chaomhnú, e.g. balla dóiteáin, ródaire agus córas braite ionraidh.
- Déan cóipeanna cúltaca de chomhaid a ndearnadh damáiste dóibh nó a athraíodh agus coinnigh na cúltacaí seo i suíomh slán.
- a aithint cá háit a gcoinnítear an córas lena mbaineann laistigh de thoipeolaíocht an líonra
- gach córas agus gníomhaireacht a nascann leis an gcóras lena mbaineann a aithint
- na cláir agus na próisis a oibríonn ar an gcóras/na córais lena mbaineann a shainaithint, tionchar an bhriste agus an t-uasmhéid ama bhriste incheadaithe.
- Sa chás go mbailítear an córas lena mbaineann mar fhianaise, socrúithe a dhéanamh chun soláthar a dhéanamh do leanúnachas seirbhísí i.e. córas iomarcach a ullmhú agus cúltacaí sonraí a fháil.

### NEAMHCHEADAITHE

- comhaid ar na córais lena mbaineann a scriosadh, a bhogadh nó a athrú
- teagmháil a dhéanamh leis an té a bhfuil amhras faoi/fúithi
- anailís fhóiréinseach a dhéanamh.

Uimhir an Pholasáí: PL/005.1	Uimhir an Leagain: v2/2024
Leaganacha roimhe seo: v1/2021	An Dáta Tosaithe: 25/03/2024
Faofa/Nótáilte ag an mBord: 25/03/2024	Dáta an athbheithnithe: 25/03/2025